

**Registre des insinuations de la sénéchaussée de Toulouse, n° 8 (1598-1600), f° 803 & ss.,
Archives départementales de la Haute-Garonne, cote 5 B 10, vue 819/1258.**

viii^e. iii

(...)

Pactes de mariage d entre jehan seigne
et ysabeau de custos

Au nom de dieu saichent tous presans et advenir que l **an mil
cinq cens quatre vingtz dix neufz** et le **vingt quatrie(me)** jour du mois de **janvier**
environ l heure de midy a **villemur** dioceze de montauban et senechau)cee de th(ou)l(ouse)
regnant n(ot)re souverain prince henry par la grace de dieu roy de france
et de navarre pardevant moy not(air)e royal et tesmoingz bas nommes
dans la **maison de arnaud de custos marchant** de lad(ite) ville
establis en leurs personnes **jehan seigne marchant filz de philipe
seigne aussy marchant** de lad(ite) ville de **s(ain)t maixant en poitou** assiste
de m(aîtr)e **yllaire seigne not(air)e et guill(aume) seigne marchant** dud(it) villemur
ses oncles paternelz illec presans d une part et **ysabeau de custos**
et sire **arnaud custos marchant** dud(it) villemur **pere et filhe** d au(tr)e
lesquelles parties de leur bon gred et franche voulonte
sur le mariaige futteur desd(its) jehan seigne et ysabeau de custos
ont faictz passes et arrestes et accordes les pactes et conventions
q(ue) s ensuivent en premier lieu ledict jehan seigne de
voulloir et consantement dud(it) m(aîtr)e illaire seigne et guill(aume) seigne
sesd(its) oncles promet prandre a femme et loyalle espouse lad(ite)

.....
ysabeau de custos comme aussy icelle de custos de
voulloir et consantement de sond(it) pere promet prandre a mary
et legitime espous ledict jehan seigne lequel mariaige
lesd(ites) parties promettent solempniser et accomplir quand l une [par]tie
requerra l au(tr)e sellon l ordre de la **religion c(h)restienne reformee**
de laquelle toutes parties font profession cessant legitime
empechement pour suporta(ti)on des charges duquel mariaige
et a ce q(ue) soit effectue ledict custos pere met(t)ra ez mains
dud(it) ylaire seigne la somme de **cent trante trois escus
ung tiers** de la somme provenue de la vante des biens de
fue cecille de caulet quand vivoict **femme dud(it) custos et
mere de lad(ite) ysabeau** laquelle vante a este faite par ledict
custos a **pierre blanc marchant de gaillac** achapteur d iceuls
biens tenant encores le pris d icelle vante entre ses mains
laquelle somme icell(ui) custos constitue pour l adot de sad(ite)
fille en faveur dud(it) mariaige avec led(it) jehan seigne ce que
ledict custos fera a la celebra(ti)on dud(it) mariaige s il peust du
moingz et pour le plus tard a saint michel prochain venant est
accorde que ledict m(aîtr)e yllaire seigne oncle recevra lad(ite) somme de
cent trante trois escus ung tiers laquelle il reconoistra a
lad(ite) ysabeau de custos sur tous et ch(ac)ungz ses biens avec
promesse de restitu(ti)on avec le droict d augment suivant la
coustume du presant pais le cas de restitu(ti)on advenant
et a condi(ti)on aussy q(ue) ledict droict d augment sera et demeurera
ypotecque pour la restitu(ti)on d icelluy sur ce q(ue) ledict seigne

donne en faveur dud(it) mariaige audict jehan seigne son nepveu
et non sur au(tr)e bien et ou ledict custos ne pourra
met(t)re ou faire met(t)re ez mains dud(it) yllaire seigne la susd(ite)
somme de cent trante trois escus ung tiers audict cas
sera tenu emploier lad(ite) somme en fondz duement appelle tant
ledict m(aîtr)e yllaire q(ue) ledict jehan seigne futeur espous a ce
que l adot constitue a lad(ite) yzabeau soict plus certain et assure
ou bien ledict custos procurera q(ue) lad(ite) somme sera tiree des
mains ou elle est remise ez mains d homme solvable en la ville
de villemur ou aux environs comme entreux sera arreste et

.....
viii^c iiii

ce en paiant les apportz . promect aussy ledict
custos bailler et delivrer a lad(ite) ysabeau de custos sad'tite) fille
ung lict garny de plume quatre linceulx et une couverte le
tout bon et suffizant plus et oultre les habillemens q(ue)
lad(ite) de custos a maintenant icelluy custos pere sera tenu
luy bailler une robbe nuptial convenable a sa qualite sy luy
baillera aussy pour commencement de mesnagerie nappes
serviettes et estaing]et[a sa discrecion samblablement est accorde
q(ue) en faveur et contempla(ti)on dud(it) mariaige ledict m(aîtr)e yllaire
seigne baillera aud(it) seigne son nepveu une sienne maison qu()il
a assize dans la presant ville confrontant avec deu(x)
rues publicques avec la maison d'heliot escorbiac et maison
de pierre cailhau a condition toutesfois q(ue) ou ledict seigne
ne ce contendra de lad(ite) maison ne pourra aussy contraindre
ledict seigne sond(it) oncle de luy paier la somme de cent
escus qu()il faict valloir lad(ite) maison et ce de trois ans prochains
pendant lequel temps aussy il jouira de lad(ite) maison en paiant
les charges et uzant d icelle en bon mesnager sur laquelle
maison ledict augment de lad(ite) ysabeau sa future espouze
sera assigne comme dict est cas advenant qu()il ce contante de lad(ite)
maison dans ledict temps ou bien sur la piece quy sera achapte(e)
de la rgant q(ue) ledict seigne oncle baillera au lieu de lad(ite) maison
item ledict m(aîtr)e yllaire seigne a dict avoir preste amiablement
cy devant audict jehan seigne son nepveu la somme de vingt escus
sol comme ledict jehan a confesse et accorde et avoir encores icelle
somme laquelle somme de vingt escus ledict yllaire seigne
baille aussy aud(it) jehan seigne sond(it) nepveu en faveur et contempla(ti)on
dud(it) mariaige aussy icelluy m(aîtr)e yllaire bailler(a) aud(it) jehan seigne
son nepveu une emyne bled pour comanser sa mesnagerie et la cuilette
prochaine deux eymines bled et au temps de vandanger une
barricque vin pur et ung au(tr)e an apres ledict yllaire seigne
baillera ce qu()il conoistra estre bon sellon sa puissance et sa
volonte en luy randant l()honneur et respect q(ue) luy est deub
est accorde q(ue) ou lad(ite) ysabeau de custos predecadera led(it)
jehan seigne aud(it) cas icell(ui) seigne jouira et sera ususfructuaire
sa vie durant des biens de lad(ite) de custos sa future femme

.....
aussy ou ledict seigne predecadera lad(ite) de custos icelle de

custos repetera lad(ite) somme de cent trante trois escus ung tiers
ensamble deux cens livres pour son droict d augment a icell(ui)
prandre sur lad(it) maison ou piece achaptee ou baillee au lieu d icelle
laquelle somme dud(it) augment tant seull(ement) elle jouira]tant[
]seull[sa vie durant restituable toutesfois apres son deces
aud(it) m(aîtr)e yllaire seigne ou au(tr)e a quy apartiendra cas advenant
que led(it) seigne et de custos futteurs espous n()eussent enfans
dud(it) mariaige est aussy accorde q(ue) ou lesd(its) seigne et de
custos maries futteurs n()auroient enfans de leur legitime
mariaige descendans ledict seigne en ce cas lad(ite) maison et au(tr)e(s)
biens par luy donnez luy retournera en payant toutesfois a
lad(ite) de custos sond(it) droict d augment restituable par icelle
de custos apres son deces laquelle aussy repetera l()adot a
elle constitue par sond(it) pere ou elle sera assignee et reconnue
et tout ce dessus lesd(ites) parties respectivement ch(ac)ung en
ce q(ue) les conserne ont promis tenir garder et observer et
ny contrevenir soubz obliga(ti)ons de leurs personnes et biens meubles
et immeubles presans et advenir q(u'i)lz ont soubzmis a toutes
rig(u)eurs de justice avec les renoncia(ti)ons de droict requises
ainsin l ont jure la main levee a dieu ez presance de
m(aîtr)e bernard gineste praticien anthoine puylaurans cousturier
jehan malpel teyssier dud(it) villemur habitans pie(rre) coustet
taneur de montauban lesquelz gineste sont signes a la cede
avec lesd(ites) parties les au(tr)es ont dict ne scavoir signer et
je jacques esteverin not(air)e royal dud(it) villemur requis soubz
signe esteverin not(air)e signe

Et advenu le vingt quatrie(me) jour du mois d avril
an susd(it) apres midy a villemur pardevant moy not(air)e et presans
les tesmoingz bas nommes establis en leurs personnes
les susd(ites) parties lesquelz pour plus grans valleur et
assurance du susd(it) contract de mariaige ont volleu icelluy

.....
viii^c v.

estre authorize et enreg(ist)re ez regi(str)es de la court de m(onsieu)r le sen(ach)al
de th(ou)l(ouse) et pour requerir lad(ite), authoriza(ti)on et insignua(ti)on ont faitz
et constitues leurs procur(eu)rs scavoir est le susd(it) yllaire seigne
m(aîtr)e maliverz et lesd(its) custos pere et filhe et jehan seigne m(aîtr)e
gaspard riviere procur(eur)s en lad(ite) court absans comme presans et ch(ac)ung
d eulx par sp(eci)al ausquelz ilz donnent pouvoir et puissance de
requerir lad(ite) authoriza(ti)on consantir a icelle et()sur ce faire tous actes
necessaires promectant avoir pour agreable tout ce q(ue) par
leursd(its) procur(eur)s sera fait dict requis consanty et procure ne les
revocquer ains les relever indepnies de toute charge de procura(ti)on
soubz obliga(ti)on respective de leurs biens meubles et immeubles
presans et advenir q(u'i)lz ont soubzmis a toutes rig(u)eurs de justice
avec les renontia(ti)ons de droict requises ainsy l ont jure a dieu
presans m(aîtr)e pierre de brucelles docteur ez droictz anthoine tinbal
paul vincens cordonnier de villemur habitans signes a la cede
avec lesd(ites) parties et je jacques d()esteverin not(air)e royal dud(it)

villemur requis soubz(sig)ne esteverin not(air)e royal signe

comparans lesd(its) maliver et riviére procur(eurs) susd(its) et ch(ac)ung pour
ses constituans lesquelz en vertu de leur procura(ti)on sus inceree
ont presante les susd(it) pactes de mariaige contenant donna(ti)on et
d iceulx ont requis l authoriza(ti)on insignua(ti)on e(t)re(ist)re le decret et author(i)t(e)
juditiaire y estre interpose **a th(ou)l(ouse) le dix huict(ieme) may mil v^e lxxxix**
riviére

Le procur(eur) du roy en la sen(chau)cee veu les presans pactes de
mariaige contenant donna(ti)on et attandeu q(ue) par iceulx appert sa
mageste n()y avoir pour le presant intherest n()enpeche l()authoriza(ti)on
insignua(ti)on e(t)reg(ist)re a th(ou)l(ouse) led(it) jour philipon procur(eur) du roy signe

Jean de la valette seigneur de cornusson parisot monte/z
lestaing et au(tr)es lieulx gentilhomme ordinaire de la chambre du roy
capp(itai)ne de cinquante hommes d armes de ses ordonnances sen(ech)al de th(ou)l(ouse)
et albigeois a tous ceulx quy ces presantes veront salut scavoir

.....
faisons et attestons ce jourd huy datte des presantes en
n(ot)re court issue du con(s)e(i)l de matin pardevant m(onsieu)r m(aîtr)e francois de
clary con(seill)er du roy en son con(s)e(i)l d()estat et prive m(aîtr)e des req(uê)tes ordinaire
de son hostel juge maige et lieutenant general nay en la
sen(echau)cee de th(ou)l(ouse) avoir comparus lesd(its) maliver et riviére procur(eur)s susd(its)
et ch(ac)ung pour ses constituans lesquelz en vertu de leur procura(ti)on sus
incerees reprenant leurs precedantes requi(siti)ons et persistans en icelles
ont respectivement requis l authoriza(ti)on insignua(ti)on e(t)regi(st)re de
la presant donna(ti)on sur quoy ouy et consantant le procur(eur) du roy
en la sen(echau)cee par ledict sieur de clary juge maige susd(it)
auroict este ordonne q(ue)la susd(ite) donna(ti)on et pactes de mariaige
sus inceres soict tenus pour authorizes et seront insignue et
reg(ist)re ez reg(ist)res de la presant court interposant sur ce le droict et
authorite juditiaire saufz le droict du roy et aultruy sy poinct en y a
lequel enregistrement auroict este depuis faict comme de ce les
actes e(t)reg(ist)re de lad(ite) court attestent en tesmoin de quoy ses presantes ont
este expedies signees (t)scellees **a th(ou)l(ouse) le xviii^e de may mil v^e quatre**
vingtz dix n(e)ufz

*NB : le présent acte se trouve dans les minutes de Jacques Esteverin, notaire de Villemur
(année 1599, folio 18), Archives départementales de la Haute-Garonne, cote 3 E 21752.*